



Шочмо эл, порылык да чын верч!

Будь готов!

51-ше (3647) №,
2023 ий 22 декабрь,
кугарня.



Имде лий

1933 ий 1 февраль годсек лектеш.

Тобын Йүштө чад Коча



Снимкыште: конкурс-фестиваль годым.

Шернур район Кукнурьшто илыше марий Йүштө Кугыза 15 декабрьште шуко унам вашлийын. Тудын деке Марий Элын түрлө районжо гыч йолташыже-влак (кўшыл снимкыште) да пошкудо Чуваш Республик гыч Лумўдыр – Юр Пике – унала толынйт. Кас велеш Шернур районысо тўвыра да каньме рўдерын сценыштыже латик Йүштө Коча «Йүштө Кугыза дек

унала» нылымше фестиваль-конкурсшто тагасен. 2023 ийын озаже – Кролик – шушаш ийын символжылан – Драконлан – «эстафетым» кучыктен (снимкыште). Волжский район Карай тўвыра пўртын пашаенже-влак йочашамычым «Юзо модыш» дене модыктеныт. Курыкмарий район Пайскырык гыч толшо Йүштө Коча курыкмарла кушташ туныктен. Пайрем

тўрлө конкурслан, мурымыш-куштымышлан поян лийын.

«Йүштө Кугыза – 2024» лўмым Морко район Красный Стекловар гыч Йүштө Коча сенген налын. Советский район Кужмарий гыч у ий оза I степеня диплом дене палемдалтын.

У ий шўлыш чыла вере озалана. Вет тудо изинат-кугунат эн вучымо пайремже.

Н.ТОКТАРОВА.

Фото-влакым интернет гыч налме.



Фотом школ архив гыч налме.

Пырдыжышт эн сӧрал

Йоча да самырык-влакын «Движение Первых» российскийсе толкынышт школысо кумдыкым сӧрастарыме всероссийский конкурсым иктешлен. Тушто Йошкар-Оласе 21-ше номеран Семёновка школышто тунемше-влак **(снимкыште)** мастарлыкыштым тергеныт. Шыже каникул годым нуно туныктышо, ачава-шамыч дене пырля школысо пырдыжлам моторын

кельштареныт. Тыршымышт арам лийын огыл. «Лучшее школьное пространство» та-насыште кумшо верым сенен налыныт. Ёдыр-рвезе-влак-лан пӧлек шотеш мебельым погымо мастер-классым эртат. Шинчымашым налке, тунемше-шамыч школышто «Движение Первых» толкы-лан ойырымо верым сылнын сӧрастарат.

Х.АЛЕКСАНДРОВА ямдылен.

Историйым шергалына

1790 ий 24 декабрьыште тале полководец Александр Васильевич Суворовын вуйлатыме руш войска Измаил турко орым сенен налын.

Эре шарнена

Ме, У Торъял район Токтарсола школышто тунемше-влак, Палыдыме салтакын кечыжым палемденна. Ялысе обелиск воктене, Кугу Ачамланде сарыште вуйым пыштыше салтак-шамычым, нунын подвигыштым шарналтен, вуйнам савенна. Шукыштым ме огына пале, туге гынат Шочмо элнан тыныс-лыкше верч лӱдде крдалше сарзе-влакым эре шарнена.

Родион НЕБОГАТИКОВ.



Фотом школ архив гыч налме.

Юзо виян йылме

У Торъял посёлкысо рӱдӧ книгагудышто «Марий йылмын юзо вийже» районысо фестиваль-конкурс эрталтын. Ёдыр-рвезе-шамыч уста поэт-влакын произведенийыштым дашке возымо почеламутыштым сылнын лудыныт. Тушко У Торъял школын тунемшыже-шамычат ушненыт. 1-ше классыште тунемше Аделина Куклина кокымшо верым сенен налын. 4-ше класс гыч Иван Чесноков кумшо вер дене палемдалтын. Нуным снимкыште ужда.

Н.Л.ЕГОШИНА.

Российысе увер

1-9-ше класслаште тунемше-влаклан «**Безопасный интернет**» всероссийский онлайн-олимпиаде эрталтеш. **Учи.ру** туныктымо платформыш йодмашым пуэн, шинчымашым тергаш лиеш.

Кумылан кажне ег «**СТИХИЯ Пушкина**» всероссийский конкурсешко ушнен кертеш. Икымше йыжынгыште «Сказки о золотом петушке» произведенийым сылнын лудман да видеош войзыман. Йодмашым **25 декабрь марте**, пашам **15 март марте** mailirk@mail.ru адрес дене электрон почтыш колтыман.

5-9 ияш улыда? Тугеже «**Ми-ми-мишная магия новогодней открытки**» всероссийский сӱрет конкурсешко мастарлыкдам тергыза. «Ми-ми-мишки» мультфильмысе герой-влакым шарналтен, у ий открыткым ямдылыза. Тӱрыс увер – postcard.tlum.ru сайтыште.

Марий Элысе увер

Марий Эл Республикым Вуйлатыше Ю.Зайцев «**Ёлка желаний**» всероссийский акцийышке ушнен. Шернур район гыч **Настя Элембаевалан**, Волжск ола гыч **Даша Веденевалан**, Марий Турек район гыч **Соня Смоленцевалан**, кум ияш **Кириллан** да тудын ака-изажлан пӧлекым кучыкта.

7 январьыште **11 шагатлан Йошкар-Оласе Чарла кремлыште Шорыкйол пайрем** эрталтеш. Тушто фольклор коллектив-влак мастарлыкыштым ончыкат. Йоча ден кугыен-шамычым тӱрлӧ модыш вуча.

5-9-ше класслаште тунемше-влаклан ямдылыме «**Марийский (родной) язык**» электрон учебникын презентацийже лийын. Ынде ёдыр-рвезе-шамыч шочмо йылмыштым электрон йӧн денат тунем кертыт.

Чоныштыжо – сылнымут «Сескем»

Кодшо арнясе номерыште «Рвезе йӱк» конкурсым Киктешлыме нерген возенна ыле. В.Исенеков лӱмеш премий дене Морко район Арын школын «Сескем» кружокшо палемдалтын. Вуйлатышыже – тӱналтыш класслам туныктышо О.А.Васильева (снимкыште). Олимпиада Алексеевна Морко район Изи Корамас школышто тунеммыж годым шкежат «Ямде лий» газет дене пенгыде кылым кучен.

– Ачана Алексей Нестерович ятыр газет ден журналым наледен. Марлат, рушлат моткоч шуко лудынна. Ме, йоча-влак, «Ямде лийым» йӱратенна. Шуматкечын, школ гыч куржын толын, почталъоным вучаш тӱжалынна. Чатлама йӱштӧ годым окна яндасе ийым шулыктарен, изирак розжым ыштен, пий опалтыме йӱкым колыштын, чон вургыж онченна. Ме эре ачана деч примерым налынна. Кочкаш шинчеш, каналташ возеш – эре газетым лудеш, – шарналта Олимпиада Алексеевна.

Изи Олимпиада йомакым, мыскара сынан ойлымышым лудаш, «Вот вет, кузе вет» рубрикым шергалаш йӱратен. Кажне газет номерыште кроссвордысо йодыш-шамычлан вашмутым ака-шӱжар-влак дене ӱчашен-ӱчашен кычалыныт. Эсогыл

школысо книгагудыштат ятыр шинчылтыныт.

Кугурак лиймеке, чолга ӱдыр конкурслашке ушнаш тӱналын. О.Васильева тушто кок гана усталыкшым терген. Пӱлек шотеш колтымо фотографийлам кызытат сайын шарна. Икана фотошто омарташте шинчыше шырчык лийын, вес гана – йӱдвелысе пӱчӧ. Нунылан ачаж дене пырля рамым шке ыштеныт да моторын сӱрастареныт.

– Возымо пашам колтымеке, «Ямде лий» газет редакций гыч Валентин Исенеков деч серыш толын. Шарнем, письмо кагазше сур-йошкарге тӱсан, текстшым машина дене печатлыме лийын. Валентин Борисович йоча-влакын серыме кумылыштым йӱршын волтен огыл, кӱлеш шомакым муын моштен. Серыш толмеке, иктаж-кушко шылын



Фотом еш архив гыч налме.

1933-2023
Ямде лий 90

шинчын лудынам. Кызыт письмо ден возымо пашам-влакым лудаш могай онай ыле. Чаманен каласаш логалеш, суртнам «йошкар агытан» авалтен, – оила Олимпиада Алексеевна.

Тӱналтыш класслам туныктышо кызыт Арын школышто «Сескем» кружокым вуйлата. ӱдыр-рвезе-влакым сылнымутлан шӱманда, чын возаш туныкта. Лектышыштат сай.

Х.ТОКПУЛАТОВА.



Фотом школ архив гыч налме.

Йӱратыме газетна

Йолташем-влак дене пырля «Ямде лийым» куанен лудына (снимкыште). Газет лаштыкнам шергалын, шкежат возкалаш тыршена. Савыктыме пашанам ужмеке, чыланат йывыртена. Ме, «Юнкор» кружокыш коштшо-шамыч, газетлан 2024 ийын икымше пелийжылан чыланат возалтынна. Йолташ-влак, теат вараш ида код. Марла йоча газетым кажне марий икшыве лудшаш!

Софья ФЁДОРОВА.

У Торъял, Кузнеч.



Кугу пайрем

Марий тиште кечылан пӱлеклалтыш шуко мероприятийым школыштына эртареныт. Мемнан деке эсогыл тележурналист Людмила Фёдорова толын. Ме, ӱдыр-влак, «Шонанпыл» йоча передачыште войзалтынна. Шкенан усталыкна нерген палдаренна, почеламутым каласкаленна. Ялысе книгагудо вуйлатыше Л.Н.Мочалова актовый залыште кугу пайремым эртарен. Кугурак класслаште тунемше-шамыч да туныктышо-влак диктантым марла возеныт. Тыгак йӱратыме книга почеш сӱрет конкурс лийын. Ме, марий йоча-шамыч, шочмо йылмынам аклышаш улына. Тудын ончыкылыкшо – мемнан кидыште.

Юлия ЯГОДАРОВА.

Советский, Кельмаксала.



Икоян еш гай

Ме, Йошкар-Оласе 24-ше номеран школышто 5-ше «А» классыште тунемше-влак, спорт дене пенгыде кылым кучена. Школ площадкыште футболла модына, эстафетым эртарена. Шукерте огыл, тўшкан погынен, Ий полатыште лийынна. Класс вуйлатыше Дарья Юрьевна, ик еш семын келшен илаш манын, тўрлө йоным шонен муэш. Мыланна келша веле.

Артём ИВАНОВ.

Шўкалат – чымалтам,
чарналтет – шогалам,
Телым веле кўлам.
Тушто.




Уремысе мече

Пагалыме лудшына-влак, стритбол нерген колында! 2-шо номеран Кужэнер школышто 7-ше классыште тунемше Ариана Романова (снимкыште) раш умылтарен кертеш. Стритбол баскетболым ушештара. «Street» урем манын кусаралтеш, «ball» – мече. Ожно стритбол дене оласе площадьлаште модыныт.

Ариана баскетбол дене визымше ий кылым куча, стритбол дене – кумшо ий. Спортын ты видше-влакын пайдаштым умыла да тидлан ятыр жапым ойыра.

– *Баскетбол дене модмо годым капкыл, чытыш пенгыдемьт, чулымрак лият, писынрак шонаш тўнжалат, икте-весе коклаште кылым муаш тунемат. Стритбол мемнан кундемшыште утыжым виякын огыл. Баскетбол дене таңастарымаште командыште 3-4 ең веле модеш. Модмо пасу пельже гына лиеш. Корзингажат икте веле,* – ойла чолга ўдыр.

Ариана «Энергия» командыште шуаралтеш. Тренерышт – В.Л.Терёшин. Ёдыр-влак дене Чебоксар, Озан олалашке таңасымашлашке миеныт, призёр лийыныт. Ёдыр тыгак шахмат дене, футболла модеш, ече дене писын коштеш, талын курж-



талеш. ГТО нормативым кок ий почела шўртнө знаклан сдатлен. «Спортсмен года – 2023» школ конкурсышто сенгышыш лектын.

– *Ончыкыжым баскетбол командым чумыраш шонем. Ёдыр-рвезе-влакым спортлан кумыландаш тўнжалам,* – ойла Ариана.

Х.АЛЕКСАНДРОВА.

Фотом еш архив гыч налме.

Тазалык – поянлык

Тиде ой дене мый келшем. Спорт дене пенгыде кылым кучем: кенежым пўяште йўштылам, велосипед дене кудалыштам. Телым, ечим чиен, йылгыж кийыше лум ўмбач коштам. А курык гыч мунчалтен модмыжо мом шога! Курык вуйышто йоча йўк «гио-гио» веле шокта. Арам огыл калыкмут ойла: «Таза капыште – таза чон!»

Алина ИВАНОВА.

2-шо номеран Морко школ.

Сенгыше улам!

Марий Турек районысо спорт мастер-влакын призыштан Тат-Китне школышто спорт туризм дене йолешке дистанцийыште таңасымаш эртаралтын. Тушко 90 угла самырык спортсмен ушнен. Арбор школ гыч 12 тунемше таңасен. Шукышт ончыл



Фотом школ архив гыч налме.

верыш лектыныт. Мыят икымше верым сенген налынам (снимкыште – пурла гыч кокымшо) Ончыкыжымат чот тыршаш тўнжалам.

Ульяна ФЁДОРОВА.
Марий Турек район.

Тўшка вий дене

Мый спортлан шўман улам. Школысо «Спортивные игры» кружокыш коштам. Тудым И.Г.Богданов вуйлата. Мый школысо да районысо таңасымашлаште вий-куатемым тергем. Тошто Торьялыште эртаралтше ечызе-влакын кроссыштышт куд медлым сенген налына. Д.Яшметова дене коктын кокымшо лийынна, М.Рыбакова, С.Янаев, А.Веденкин – кумшо. Мыйын шонымаште, тыгай таңасымаш-шамыч ваш-ваш полшаш тунуктат. Ме йолташна-влакын финишыш толын шумыштым чон вургыж вучена, кычкырымына дене полшаш тыршена. Тўшка вийыште – сенгымаш.

Регина ПЕТУХОВА.

У Торьял, Кузнеч.

Озаныште – «Марий шонанпыл»

Озан олесе марий-влакын национально-культурный автономийыште кушкын толшо тукымым вияндымылан кугу тўткышым ойырат. Марий ача-аван икшывышт Шорыкйол пайремышке, Марий тиште, Марий талешке кечылашке, калык кидпаша дене мастер-класлашке кумылын ушнат. Нуно Рушарня школыш куанен коштыт. Кажне арнян ўдыр-рвезе-шамыч марий йылме, сылнымут, марий калыкын тўвыраже да эртыме корныж нерген келге шинчымашым налыт.



Йоча-влакым ончыко вўдаш, нунылан у корным почаш манын, проектым возат. Ик эн ойыртегалтышыже «Марийская радуга» этнокультурный йоча фестиваль. Тудын авторжо-шамыч Н.В.Кукушкина ден А.С.Малова улыт. Эн ондак республикысе сымыктыш конкурсым эртареныт. Вич танаслийын: семўзгар дене шоктен мурен-куштымаш, шке-

тын, дуэт, хор дене мурымаш, куштымаш, сылнымут. Танасымашке Татарстан Республикысе Агрыз, Актаныш, Арск, Кукмара, Мамадыш, Лаишевский районла, Озан ола гыч ятыр паша пурен.

2 декабрьыште Татарстан Республикысе калык-влакын келшымаш пўртыштышт гала-концерт лийын. Тушто сеньыше-шамычым саламле-



ныт. «Хореографий» танасыште Актаныш район гыч «Ший памаш» калык фольклор ансамбль Гран-прим сенен налын. Дуэт дене мурымаште Уял гыч Ангелина ден Максим Ирбулдинмыт ойыртегалтыныт. Семўзгар дене шоктен мурен-куштымаште Агрыз район Буймо села гыч «Эр ўжара» калык фольклор ансамбль икымше верыш лектын. Озан ола гыч Арина Ибатиева почеламутым эн сылнын лудын. Сеньыше-влакым снимкыште ужда.

Проект радамыште йоча-влаклан мастер-класслам эртареныт. Туныктышо-шамыч, тўрлў йўным кучылтын, нунын усталыкыштым ончыкыжымат вияндаш шонат.

Х.ТОКПУЛАТОВА.

Фотом автономийын архивше гыч налме.

Ош тувыран пўртўс

Тўгў лектым – йўштў пеш,
Шўргў кылмыш тыманмеш.
Куржын пурышым

мўнгеш,
Чиен лектым мый уэш.

Катя БАШИРОВА.



Теле кече. Лум лумеш,
Эркин мландышке велеш.
Уремлаште йоча-влак
Юарленак мунчалтат.

Аделина МИЛЯЕВА.

Лум пўрдеш, модеш, велеш,
Мланде койын ошемеш.
Чиен ош тувырым

чодыра –
Чылт орўенла койын шога.

Наташа ИШМАНОВА.

Татарстан, Агрыз, Буймо.



Лум курчакым ненченам

Ме шочмо кундемнам тўрлў семын сўрастараш тыршена. У ий пайремлан поснак ямдылалтына. Мый Кўлегеш ялыштем тыгай лум курчак-влакым ыштенам (снимкыште). Йўштў Кугызам эн ончыч ненченам. Кидышкыже гармоньым кучыктенам. Тек сылне мурыж дене куандара, тек пайрем шўлышым ешара. Тений мемнан дене Кролик ий озаланен. 2024 ийыште мемнам Дракон вашлиеш. Миф сынан янлыкым ышташ поснак тыршенам. Тудо мемнам тўрлў осал, азап деч ий мучко аралаш тўналеш манын ўшанем. Ёдыр-рвезе-влак, те шочмо вердам кузе тўзатада? Палдарыза.

Милена ИШМАНОВА.

Татарстан, Агрыз.

Фотом еш архив гыч налме

Пиццат пайдале лийын кертеш

Ожно йоча-влак мӱнгыштӧ ямдылыме кочкышым веле кочкыныт гын, кызыт шуко икшывылан кевытыште налме сий утларак келша. Тудым мо гыч, кузе ыштыме нерген южгунам эсогыл ача-ава-влакат огыт шоналте. Пайдале огыл кочкышым кочмеке, ўдыр-рвезе-шамычым шоло инфекций да функциональный манме тўрлӧ чер изинек тургыжландарат. Тидын да моло нерген врач-гастроэнтеролог, педиатр Ю.А.Яндульцева (снимкыште) дене мутланышна.

– Юлия Александровна, пагарым аза годсекак аралаш кўлеш, очыни. Южо ава шке шӱржым огеш пукшо, тўрлӧ смесь дене алмашта. Тиде йочан тазалыкшылан энгекем ышта?

– Смесь пагарлан энгекем ок ыште. Тудо аван шӱржӧ деч утыжым ок ойыртегалт. Тыгай вартыш дене икмынар черымат эмлаш лишеш. Туге гынат ава шӱр эн пайдале, тудым нимо дене от алмаште.

– Шукыж годым врач дек огына вашке, шке эмлаш тыршена. Кунам, жапым шуйкалыде, эмлымверыш кайыман?

– Икшывын мўшкыржӧ кажне кечын коршта да тыгодым температуржо кўза, вака, укшинчеш, шонданыш чўчкыдын коштеш гын, врачлан писынрак ончыктыман.

– Пагар, вичкыж але коя шоло дене кылдалтше функциональный чер-влак дене йоча молан черлана? Тиде

тургыжланымаш, стресс дене кылдалтын?

– Вуйдорык да пагар ден шолора тракт коклаште иктаж-могай «кучедалмаш» уло гын, тыгай чер-влак лектыт. Иктаж-могай инфекций, пуалмаш (воспаление), сусыргымаш лишеш гын, вуйдорык сайын шижеш. Тыгодым спазм виянеш. Функциональный чер-вла-



Фотом-еш архив гыч налме.

кын лекме амалышт раш огыл. Нуно тургыжланыман, шагал тарванылмылан, писын кушмылан, кочкышым писын кочмылан, шагал але удан малымылан да молылан кӧра виянын кертыт.

Х.АЛЕКСАНДРОВА мутланен.

Ю.А.Яндульцева деч У ий вашеш кангаш

➔ Сий тўрлӧ лийшаш. Арня мучко витле угла тўрлӧ кочкышым кочман. Тушто 10-15 процент белок, 30 процент коя, 55-60 процент углевод лийшаш улыт.

➔ Сайын шымлыме dietyлан средиземноморский шотлалтеш. Сийын пел ужашыже пакчасаска да фрукт гыч шогышаш, нылымше ужашыже – шыл, кол, торык, пўкш, отыза гыч.

➔ Кечеш кум гана кочманак, тыгодым телевизор, смартфон ончылно шинчыман огыл.

➔ Кочкышым сайлан да удалан шеледыман огыл. Фаст-фудым кок арнялан ик гана веле кочкаш лишеш. Йоча шуко тарванылеш, садлан тазалыкшылан энгекем ок ыште, шонем.

➔ Пиццат пайдале лийын кертеш. Но тудым ямдылыме годым ик гана йонгыштымо (цельнозерновой) ложашым, шукырак пакчасаскам, пушкыдо сырым, чыве онг шылым кучылтман.

➔ Гамбургерым, фри паренгым чўчкыдын кочкат гын, мутат уке, коя погына да тўрлӧ чер виянеш.



«4» да «5» – сай пӱлек

У ий вашеш кажне гаяк ег пӱлек нерген шонкала. Мый дечем туныктышем «У ий деч мом вучет?» манын йодо. Иканаште каласенат шым керт. Вуйым изиш пудыратымек, кокимшо чырыкым «нылытанлан» да «визытанлан» тунем пытарем гын, эн кугу пӱлек лишеш, шонышым. Тидлан мӱнгысӧ пашам жалыштыже ыштыман, тергыме паша-влакым сай отметкылан возыман. Тунам гына лектыш куандарыше лишеш.

Яна КАЛИНИНА.
У Торьял, Кузнеч.

Шернур район Мустай кыдалаш школьшто икмын-яр кружок пашамышта. Нунын кокла гыч иктыже – «Бумажные фантазии». Ты кружокым тунгалтыш классам туныктышо В.З.Мустаева вуйлата. Йоча-влакым кидпашалан шуманда. 1-4-ше класслаште тунемше-влак арнялан когана, вургечын да кутарнян, кружокышко погынат. Нуньлан онай лийже маньын, Виктория Зиновьевна ум, ойыртемалтшым шонен луктеш. Түрлө тусан кагазым да вес материалым кучылтын, мотор, кумылым нолтышо поделке-влакым ыштат. Шке пашашт дене школысо гына огыл, районысо, республикысе да российысе конкурслашке ушат. У ий вашеш паша эшеат чот шолеш **(снимкыште)**. Чылт йомакысе гай чучеш.



Авторын фотожо.

В.МАМАЕВА.

Брауни


Күлеш: 5 кугу совла какао, 9 кугу совла ложкаш, 10 изи совла үй, 120 грамм шоколад, 2 муно, 1,5 стакан сакырложаш, ик пакет ваниль, 1 изи совла шинчал.



Уйым левыктыза. Тушко сакырложаш ден шоколадым ешарыза да пырля левыктыза. Муно ден ванильым варыза. Какао, ложкашым, шинчалым ешарен, миксер дене кум минут лугтыза. Духовкышко 55 минутлан шындыза.

Мастар кид

Пүчкын луктын, Йүштө Кугыза ден Лумұдырым ыштыза.



0+

Печатьш пуымо жап – 14-00, фактически – 13-00

Авторын да редакцийн шонмашышт түрлө лийын кертыт. Серыш-влак монтеш огыт колталт. Ак – кутырен келшыме почеш.

Редакцийн да издательн адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пöрт. Тел. 8(8362) 45-22-82.

«Ямде лий» газет
Тун редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат – А-4-8.

https://vk.com/yamde_lii
<https://t.me/yamedelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ:
Марий Эл Республикысе Тұвыра, печать да калык-влакын пашашт шотышто министерстве.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыштыже регистрироватлыме. Номер – ПИ № ТУ52-01404, 2023 ий 22 сентябрьште пуымо.

М.ШКЕТАН ЛҮМЕШ МАРИЙ КУҢЫЖАНЫШ ДРАМЕ ТЕАТР

2 янв 18:00	В.Красногоров УШ ЙОММЕШ ЙОРАТЫМАШ Комедий Любовь до потери памяти	16+
3 янв 18:00	В.Гуркин ЕН МАРИЙ - ВОТ МАРИЙ! Комедий Прибайкальская кадрийл	16+
4 янв 18:00	В.Ольховская МУНДЫР ЯЛЫШ ТОЛЫН КАЧЕ Комедий Хутор, престиж и котик	12+
5 янв 18:00	Г.Гордеев СОСНА ПОМИНКА Комедий Поминки по свинье	16+
6 янв 18:00	Н.Арбан КЕНЕЖ ЙҮД Музыкальный комедий Летняя ночь	12+
7 янв 18:00	ЭХ, ШЕРЕМЕТ, У ИЙ ПАЙРЕМЕТ У Ий концерт	6+

Рекламе.

SHKETAN.RU



78-13-78

Киса

Изи кисаже төрштылеш,
Мом гын тудо кычалеш?
Кинде пудыргым,
копшангтым?
Мом муэш – чыла кочкеш.

Анжелика БУЛЫГИНА.


У Торъял школ.

Калыкмутым шарналтыза.

➔ Киса шуко ок коч, а
веселан ...

➔ Киса – пөрткайыклан ...

Мужырым кычалза.



Ийшито Кугыза пөлекше-влакым аралаш ик кубометран кылмыктыше камерым налын. Кажне пөлекше кок кубический дециметр кумдыкым налеш гын, камерыш мыняр модыш пура?



Конкурсым иктешлена

Фотоконкурснам иктешлаш жап толын шуо. Удыр-рвезе-влак туньктышышт дене моторын войзалтыныт. Тыгак шукын, кокымшо авашт дене кугешнен, нунын пашаштым кўкшыш аклен, заметкым, почеламутым серен колтеныт. Тыге ешартыш 100 лайкым погеныт. Электрон подпискым ыште-ныт, почто гочат газетлан возалтыныт. Куандара, ятыр у подписчик ешаралтын. Конкурсышто **Йошкар-Оласе 1-ше номеран школышто** тунемше **Ярослав Сергеев** сенгышыш лектын. Тудо туньктышыжо **И.М.Веселова** дене школ кудывечыште сылнын войзалтын. Нунын фотошт эн шуко лайкым поген. Шокшын саламлена да редакцийыш пөлеклан вучена.

Айста модына

Лум пырче ден мардеж

Йоча-влак лум пырче лийыт. Нуно онгыш погынат да мужыр дене кидым кучен шогалыт. Воспитательын «Мардеж виан, виан пуал колгыш. Йогыза, лум пырче-шамыч!» манмекыже, йоча-влак түрлө вельш шаланат, кидым кўшкө нөлталын пөрдыт. «Лум пырче-шамыч, онгыш пөртылза!» манмеке, верышкышт шогалыт да мужырыштым мушаш улыт.

О.В.КАЗАНЦЕВА.

Медведево посёлко.

Лум пырче почеш «ошкылза».



Интернетысе сүрет-влакым кучылтмо.